

# Hysbysiad Preifatrwydd Myfyrwyr AU Grŵp Colegau NPTC

## Diogelu a Defnyddio Data Myfyrwyr

### Deddf Diogelu Data 2018 a Rheoliad Diogelu Data Cyffredinol y DU

1. Mae'r Ddeddf Diogelu Data 2018 (DPA) a'r Rheoliad Diogelu Data Cyffredinol (GDPR) yn rheoleiddio prosesu data personol mewn unrhyw fformat gan Grŵp Colegau NPTC ('y Grŵp'), gan gynnwys data personol digidol a chopi caled a phob fformat arall. 'Data personol' yw unrhyw wybodaeth sy'n ymwneud ag unigolyn byw, a 'phrosesu' yw unrhyw weithgaredd a gyflawnir sy'n cynnwys data personol, gan gynnwys eu dal a'u storio. Mae'r datganiad hwn yn gymwys o dan y DPA a'r GDPR neu unrhyw ddeddfwriaeth arall a ddaw yn sgil y GDPR neu'r DPA.
2. Mae'r datganiad hwn yn sefydlu gweithdrefnau'r Grŵp sy'n llywodraethu casglu a rhyddhau data myfyrwyr ac fe'i darperir i fyfyrwyr wrth iddynt ymgeisio a chofrestru. Mae'n cynnwys gwybodaeth am sut y defnyddir data myfyrwyr, a lle caiff data eu rhoi gan y Grŵp i Lywodraeth Cymru a phartïon allanol eraill.
3. Y Grŵp yw'r rheolwr data ar gyfer yr holl ddata personol y mae'n eu dal a'u prosesu, ac eithrio lle gwneir hynny yn rhinwedd prosesydd data ar ran rheolwr data arall. Manylion cyswllt y Grŵp yw:

Grŵp Colegau NPTC  
Heol Dŵr-y-felin  
Castell-nedd  
SA10 7RF

4. Swyddog Diogelu Data'r Grŵp yw:

Mrs Susan Kirby  
Swyddog Diogelu Data  
Grŵp Colegau NPTC  
Heol Dŵr-y-felin  
Castell-nedd  
SA10 7RF  
0330 818 9014  
[data-protection-officer@nptcgroup.ac.uk](mailto:data-protection-officer@nptcgroup.ac.uk)

## Hysbysiad i Ymgeiswyr a Myfyrwyr Cofrestredig

5. Gall y Grŵp gael, dal a phrosesu data personol myfyrwyr gan gynnwys manylion personol, amgylchiadau teuluol a chymdeithasol, cofnodion addysg a hyfforddiant, gwybodaeth am gyflogaeth, manylion ariannol, manylion cerbydau a berchnogir yn cynnwys manylion rhif cofrestru a gwasanaethau a ddarperir. Gall gael, dal a phrosesu data personol sensitif (y term a ddefnyddir gan y DPA) a data categori arbennig (y term a ddefnyddir gan GDPR) myfyrwyr gan gynnwys tarddiad hiliol neu ethnig, credoau crefyddol neu athronyddol, data biometrig ac iechyd corfforol neu feddyliol, aelodaeth o Undeb Lafur, bywyd rhywiol a chyfeiriadedd rhywiol a throseddau (yn cynnwys achosion troseddol parhaus a chyfredol).
6. Ceir y data personol a data personol sensitif/data categori arbennig sy'n cael eu dal gan y Grŵp sy'n ymwneud â myfyrwyr yn uniongyrchol gan y myfyriwr neu'r ymgeisydd, neu mewn rhai achosion gan sefydliad trydydd parti sy'n rhan o raglenni ar y cyd neu'r Cwmni Benthyciadau i Fyfyrwyr (SLC). Wrth i ddata personol amdanoch gael eu darparu gan ffynonellau trydydd parti, awn ati i sicrhau bod gan y trydydd parti awdurdod cyfreithiol i roi'ch data personol inni.
7. Mae'r Grŵp yn dal data personol a data personol sensitif/categori data arbennig ei fyfyrwyr er mwyn gweithredu a rheoli'r holl wasanaethau a phrosesau sy'n ymwneud â myfyrwyr, gan gynnwys recriwtio myfyrwyr, derbyn, ymrestru, dysgu ac addysgu, ymweliadau addysgol, cludiant rhwng y cartref a'r coleg, arholiadau, graddio a gwasanaethau eraill megis llety, cymorth i fyfyrwyr a gyrfaoedd. Dim ond gwybodaeth sy'n ofynnol at y dibenion hyn a geir ac a brosesir, a hebddi efallai na fyddai'r Grŵp yn gallu darparu ei wasanaethau. Trosglwyddir gwybodaeth rhwng amrywiol adrannau'r Grŵp am resymau gweithredol fel sy'n angenrheidiol ac yn gymesur ar gyfer dibenion a fwriedir.
8. Lle bo cwrs addysg uwch yn cael ei gynnal gan y Grŵp fel asiant, neu o dan gytundeb masnachfaint gyda sefydliad Addysg Uwch arall, rhennir gwybodaeth benodol â'r sefydliad hwnnw. Ar hyn o bryd, mae gan y Grŵp drefniadau partneriaeth gyda Phrifysgol Metropolitan Caerdydd, Prifysgol De Cymru, Prifysgol Cymru y Drindod Dewi Sant, a Phrifysgol Wrecsam. Mae gan y Grŵp hefyd gyrsiau a gymeradwyir gan Pearson.
9. Caiff data personol myfyrwyr eu casglu a'u prosesu gan y Grŵp fel y bo'n angenrheidiol ar gyfer cyflawni'r contract y mae'r Grŵp yn darparu gwasanaethau i fyfyrwyr oddi tano. Gall rhai gweithgareddau prosesu hefyd gael eu cynnal o dan rwymedigaeth gyfreithiol (er enghraifft, datgelu data personol i bartion allanol o dan bwerau statudol), os yw'n angenrheidiol er mwyn diogelu buddiannau hanfodol y myfyriwr neu barti arall (er enghraifft, datgeliadau i bartion allanol er mwyn sicrhau diogelwch a llesiant unigolion), lle mae'n angenrheidiol ar gyfer cyflawni tasg a wneir er budd y cyhoedd neu wrth arfer awdurdod swyddogol (er enghraifft, casglu neu ddatgelu gwybodaeth er mwyn bodloni gofynion rheoliadol neu statudol), neu, lle mae'n angenrheidiol ar gyfer buddiannau dilys y Grŵp neu drydydd parti (bydd buddiannau dilys yn ymwneud â darparu gwasanaethau yn effeithlon, yn gyfreithlon ac yn gymesur ac ni fyddant yn niweidiol i fuddiannau neu hawliau unigolion). Pan na fydd unrhyw rai o'r seiliau cyfreithiol hyn yn gymwys, ceisir cydsyniad yr unigolyn i

brosesu ei ddata personol.

- 10.** Lle caiff data personol sensitif/categori data arbennig myfyrwyr eu casglu a'u prosesu gan y Grŵp, bydd hyn ar y sail gyfreithiol o dderbyn caniatâd penodol y myfyriwr, gofynion cyflogaeth a/neu nawdd cymdeithasol/diogelu, amddiffyn buddiannau hanfodol y myfyriwr neu barti arall, arfer neu amddiffyn hawliad cyfreithiol, rhesymau o ddiddordeb sylweddol i'r cyhoedd, at ddibenion meddygol neu iechyd, neu os yw'r wybodaeth wedi'i gwneud yn gyhoeddus gan y myfyriwr. Bydd unrhyw brosesu yn gymesur ac yn ymwneud â darparu gwasanaethau gan y Grŵp. Pan ddefnyddir y data hyn at ddibenion monitro ac adrodd, bydd hyn yn digwydd yn ddienw neu defnyddir ffugenw os yn bosibl.
- 11.** Mae'r Grŵp yn defnyddio technolegau Deallusrwydd Artiffisial (AI) i gefnogi a gwella amrywiol agweddau ar y prosesau addysgol a gweinyddol. Rydym yn ymrwmo i gynnal y safonau uchaf o ran diogelu data fel sy'n ofynnol gan Ddeddf Diogelu Data 2018 a Rheoliad Diogelu Data Cyffredinol y DU (GDPR). Mae'r holl brosesu data sy'n gysylltiedig ag AI yn cael ei wneud gyda sylw at ddiogelwch, tryloywder a chywirdeb data myfyrwyr. Rydym yn sicrhau bod pob defnydd o AI yn cael ei adolygu'n rheolaidd i sicrhau cydymffurfiaeth â deddfwriaeth berthnasol.
- 12.** Gall y Grŵp ddatgelu data personol a data personol sensitif/data categori arbennig myfyriwr i asiantaethau allanol y mae ganddo rywmedigaethau iddynt; er enghraifft, at ddibenion Llywodraeth Cymru, at ddibenion fisâu a mewnfudo, ac i ganghennau eraill llywodraeth ganolog neu leol, y Swyddfa Gartref, i'r Asiantaeth Ystadegau Addysg Uwch (HESA), y Comisiwn dros Addysg ac Ymchwil Trydyddol, y Cwmni Benthyciadau i Fyfyrwyr (SLC), Cyllid Myfyrwyr Cymru (SFW), Swyddfa'r Dyfarnwr Annibynnol dros Addysg Uwch a sefydliadau eraill o'r fath o bosibl, at ddibenion diffiniedig. Gall hefyd ddatgelu gwybodaeth i gyrrff arholi, cynrychiolwyr cyfreithiol, yr heddlu neu asiantaethau diogelwch, cyflenwyr neu ddarparwyr gwasanaethau, sefydliadau arolygu ac ymchwil a ddefnyddir gan y Grŵp, ac awdurdodau rheoleiddio. Os oes gan fyfyrwyr ddyledion di-dâl i'r Grŵp ar ddiwedd eu cwrs gall y Grŵp, yn ôl ei ddisgresiwn, drosglwyddo'r wybodaeth hon i asiantaethau casglu dyledion er mwyn mynd ati'n ddyfal i gasglu'r ddyled.
- 13.** Mae'r Grŵp hefyd yn defnyddio data personol y myfyriwr fel a ganlyn:
- Darparu manylion cyswllt i Undeb y Myfyrwyr i'w galluogi i gynnig gwasanaethau priodol i fyfyrwyr. Cysylltwch â [student-union@nptcgroup.ac.uk](mailto:student-union@nptcgroup.ac.uk) os gwelwch yn dda os nad ydych yn dymuno i'ch manylion cyswllt gael eu rhannu gydag Undeb y Myfyrwyr.
  - Lluniau unigol o fyfyrwyr at ddibenion adnabod, er enghraifft lanyards i fyfyrwyr neu ar safle Moodle y Coleg.
  - Gall Gwasanaethau Cymorth i Fyfyrwyr y Grŵp gysylltu â myfyrwyr sy'n datgan bod ganddynt anabledd/au, i drafod yn gyfrinachol unrhyw gymorth sydd ar gael.
  - Darparu adroddiadau cynnydd i noddwyr myfyrwyr (ac eithrio perthnasau).
  - Rhoi geirdaon i sefydliadau addysg a chyflogwyr, fel arfer gyda

chydysniad y myfyrwyr neu raddedigion.

- f) Cyhoeddi enwau myfyrwyr mewn rhaglenni gwobrwyo blynyddol.
- g) Datgelu gwybodaeth am fyfyrwyr a graddedigion at ddibenion hyrwyddo'r Grŵp, ac i'w cyn ysgolion at ddibenion cyswllt ysgolion, ond dim ond gyda chaniatâd y myfyrwyr neu'r graddedigion os ydynt yn cael eu hadnabod yn bersonol.
- h) At ddibenion canfod llên-ladrad, gan ddefnyddio'r gwasanaeth canfod llên-ladrad *Turnitin* ar-lein.
- i) Cyflenwi manylion personol ac ariannol i ddarparwyr gwasanaethau ariannol y mae'r Grŵp yn defnyddio eu gwasanaethau, er enghraifft ar gyfer talu ffioedd, ad-daliadau, benthyciadau a gwasanaethau tebyg, gan gynnwys y Cwmni Benthyciadau i Fyfyrwyr a Cyllid Myfyrwyr Cymru.
- j) Datgelu gwybodaeth i bartïon allanol at ddibenion diogelu a dyletswydd gofal, er enghraifft i ymarferyddion meddygol ac asiantaethau gorfodi'r gyfraith.
- k) Yn ddarostyngedig i adolygiadau fesul achos, darparu manylion cyswllt i gwmnïau a sefydliadau trydydd parti sy'n cael eu defnyddio'n ffurfiol gan y Grŵp i ddarparu lefelau gwell o wasanaeth i gefnogi gweithgareddau craidd.
- l) Creu cardiau adnabod a phoblogi technoleg Adnabod Rhifau Cofrestru Awtomatig (ANPR) a fydd yn gweithredu systemau mynediad rheoledig sydd ar waith ar draws y coleg.

**14.** Mae'r Grŵp yn ei gwneud yn ofynnol i'r holl fyfyrwyr gymryd rhan yn ei system monitro presenoldeb (marcio cofrestri). I rai grwpiau o fyfyrwyr, mae'n ofyniad statudol bod y Grŵp yn monitro eu presenoldeb (er enghraifft ar gyfer myfyrwyr sy'n hawlio Benthyciad Myfyrwyr a myfyrwyr rhyngwladol) a gall fod gofyniad i roi gwybod am absenoldeb i gyrff swyddogol (e.e. Fisâu y DU a mewnfudo). Mae hefyd o gymorth i'r Grŵp gyda'i ddyletswydd gofal a'i ddarpariaethau cymorth, yn ogystal â galluogi dadansoddiad o nodweddion penodol y gwasanaethau a ddarperir, megis rheoli gofod.

**15.** Mewn rhai achosion, efallai y bydd y Grŵp yn trosglwyddo data personol myfyrwyr i drydydd parti mewn gwledydd eraill. Bydd unrhyw drosglwyddo o'r fath mewn perthynas â darparu gwasanaethau craidd y Grŵp yn unig, gan gynnwys sefydliadau partner dramor. Gall gwasanaethau TG a ddefnyddir gan y Grŵp gynnwys trosglwyddo neu gynnal data personol myfyrwyr dramor. Caiff data personol eu rhannu ag asiantau rhyngwladol a ddefnyddir gan y Grŵp i ddarparu gwasanaethau i fyfyrwyr tramor. Mae pob achos o drosglwyddo data personol dramor yn ddarostyngedig i ddiogelu technegol addas a gofynion cytundebol sy'n cynnwys sicrwydd priodol i sicrhau diogelwch data a chydymffurfiaeth lawn â gofynion deddfwriaethol a rheoleiddiol.

- 16.** Mae rhai adrannau o'r Grŵp yn cyflawni prosesau sy'n ymwneud â data personol ymgeiswyr neu fyfyrwyr sy'n cynnwys elfennau o broffilio. Mae'r Swyddfa Farchnata a Chyfathrebu a'r Swyddfa Dderbyniadau yn enghreifftiau o hyn, lle defnyddir y prosesau hyn i bennu natur y cyfathrebiadau a anfonir at unigolion ac i hwyluso gweithdrefnau derbyn a recriwtio myfyrwyr.
- 17.** Cedwir cofnod academaidd sylfaenol ar gyfer myfyrwyr unigol gan y Grŵp yn barhaol, gyda chofnodion manylach yn cael eu cadw am gyfnodau cadw diffiniedig. Gellir cael manylion am y cyfnodau cadw sy'n berthnasol i elfennau gwahanol o'r cofnodion myfyrwyr ar gais.
- 18.** Os oes gennych unrhyw ymholiadau ynglŷn â'r defnydd o ddata personol myfyrwyr a amlinellir uchod, cysylltwch â'r Swyddog Diogelu Data: data-protection-officer@nptcgroup.ac.uk neu 0330 888 9014.

## Hawliau'r unigolyn

- 19.** Mae gan unigolion y cedwir eu data personol sensitif/data categori arbennig gan y Grŵp yr hawliau canlynol ynghylch eu data:
- a) Yr hawl i ofyn am gael gweld eu data personol a gedwir gan y Grŵp.
  - b) Yr hawl i gael unrhyw ddata personol anghywir neu anghyflawn wedi'u cywiro.
  - c) Yr hawl i ddileu data personol – dim ond os nad oes unrhyw reswm dilys i'r Grŵp barhau i brosesu data personol fydd hyn yn gymwys. Fel arfer, bydd gofyn i'r Grŵp gadw cofnod myfyriwr sylfaenol am gyfnod amhenodol.
  - d) Yr hawl i gyfyngu ar brosesu data personol – mae gan unigolion yr hawl i atal prosesu data personol gan y Grŵp mewn sefyllfaoedd penodol.
  - e) Yr hawl i gludadwyedd data – mae gan fyfyrwyr yr hawl i ofyn am ddarparu rhai agweddau ar eu gwybodaeth (er enghraifft, manylion cynnydd academaidd) ar ffurf ddigidol er mwyn ei rhoi i sefydliadau eraill.
  - f) Yr hawl i wrthwynebu – gall myfyrwyr wrthwynebu bod y Grŵp yn prosesu eu data personol o dan amgylchiadau penodol, gan gynnwys anfon a derbyn deunydd marchnata uniongyrchol.
  - g) Yr hawl i wrthwynebu penderfyniadau a phroffiliau a gyflawnir yn awtomataidd – mae gan unigolion yr hawl i wrthwynebu penderfyniadau a wneir drwy ddulliau awtomatig heb ymyrraeth ddynol o dan rai amgylchiadau.

Dylid gwneud pob cais i arfer unrhyw un o'r hawliau hyn i Swyddog Diogelu Data'r Grŵp.

- 20.** Mewn achosion lle mae prosesu data personol neu ddata personol sensitif/data categori arbennig yn seiliedig ar gydsyniad myfyrwyr, mae ganddynt yr hawl i dynnu eu cydsyniad yn ôl ar unrhyw adeg drwy gysylltu â'r adran neu'r gwasanaeth a dderbyniodd y cydsyniad hwnnw neu Swyddog Diogelu Data'r

Grŵp.

21. Os bydd myfyrwyr yn anfodlon gyda'r modd y caiff eu data personol eu trin gan y Grŵp, neu os byddant yn credu nad yw'r Grŵp yn cydymffurfio'n llwyr â gofynion y Ddeddf Diogelu Data neu GDPR, dylent gysylltu â Swyddog Diogelu Data'r Grŵp yn y lle cyntaf. Gellir dilyn gweithdrefn gwyno ffurfiol y Grŵp os yw hynny'n briodol, ac mae ganddynt hefyd yr hawl i gyflwyno cwyn i Swyddfa'r Comisiynydd Gwybodaeth; ceir manylion pellach ar [www.ico.org.uk](http://www.ico.org.uk)

## Arolygon Myfyrwyr a'r Rhai sy'n Gadael

22. O bryd i'w gilydd gofynnir i chi o bosib gwblhau arolygon, naill ai ar gyfer y Grŵp neu ar ran sefydliadau eraill, er enghraifft yr Arolwg Cenedlaethol i Fyfirwyr neu'r arolwg Canlyniadau i Raddedigion. Bydd y sefydliadau hyn a'u contractwyr yn defnyddio eich manylion at y diben hwnnw yn unig ac wedyn yn eu dileu.
23. Nid yw'n ofynnol i chi gymryd rhan yn unrhyw un o'r arolygon hyn ond mae eich cyfranogiad yn cynorthwyo'r Grŵp, yn ogystal â'r llywodraeth a chyrrff rheoleiddio, wrth iddynt gyflawni eu dyletswyddau statudol, swyddogol a chyhoeddus.

## Cyflwyno eich Data i Asiantaethau eraill

24. Mae'n ofyniad statudol i'r Grŵp anfon rhywfaint o'r wybodaeth sydd gennym amdanoch i'r Asiantaeth Ystadegau Addysg Uwch (HESA) at ddibenion ystadegol. Ceir manylion llawn am sut y defnyddir data myfyrwyr gan HESA wrth fynd i: <http://www.hesa.ac.uk/fpn>. Mae gennym gyfrifoldeb statudol i gyflwyno data i'r Comisiwn dros Addysg ac Ymchwil Trydyddol (CTER).
25. Os byddwch yn rhoi gwybodaeth inni am eich statws anabledd, tarddiad ethnig, cyfeiriadedd rhywiol, ailbennu rhywedd neu grefydd, gallai'r rhain gael eu cynnwys yn eich gwybodaeth HESA a'u defnyddio i helpu i fonitro cyfle cyfartal a dileu gwahaniaethu anghyfreithlon yn unol â Deddf Cydraddoldeb 2010. Defnyddir gwybodaeth sensitif arall weithiau i alluogi ymchwil i ddarparu mynediad teg i addysg uwch, er enghraifft gwybodaeth ynghylch a ydych wedi gadael gofal. Bydd eich gwybodaeth HESA yn cynnwys manylion am unrhyw gymorth ariannol yr ydych yn ei dderbyn o bosib. Ni ddefnyddir eich data personol sensitif/data categori arbennig i wneud penderfyniadau amdanoch.
26. I ddarllen sut mae Llywodraeth Cymru yn defnyddio data am fyfirwyr gan yr Asiantaeth Ystadegau Addysg Uwch ewch i: [https://beta.gov.wales/sites/default/files/publications/2018-05/welsh-government-usage-of-higher-education-statistics-agency-hesa-student-data\\_0.pdf](https://beta.gov.wales/sites/default/files/publications/2018-05/welsh-government-usage-of-higher-education-statistics-agency-hesa-student-data_0.pdf)

## Monitro Systemau TG a Chyfrifon Myfyrwyr

27. Dylai myfyrwyr fod yn ymwybodol hefyd y gallai'r Grŵp, o dan rai amgylchiadau, fonitro'r defnydd o'i systemau TG a chyrrhu'r wybodaeth defnyddwyr sydd ar ei

systemau a'i rwydweithiau ac sydd fel arfer yn breifat. Bydd unrhyw fonitro neu gyrchu sefydliadol yn cydymffurfio â deddfwriaeth y DU gan gynnwys Deddf Rheoleiddio Pwerau Ymchwilio 2000, Deddf Hawliau Dynol 1998, a Deddf Diogelu Data 2018 a'r Rheoliad Diogelu Data Cyffredinol. Lle bo angen, bydd unrhyw fynediad neu fonitro yn gyfiawnadwy, yn deg ac yn gymesur ac yn unol â Pholisi Defnydd Derbyniol SRhG a Pholisi Safon Preifatrwydd y Grŵp, y mae copïau ohonynt ar gael ar gais.

## Defnydd o Ddata Personol gan Fyfyrwyr

28. Dim ond i'w defnyddio mewn perthynas â'u hastudiaethau neu ymchwil academiaidd y gall myfyrwyr sy'n aelodau o'r Grŵp brosesu data personol. Dim ond gyda chaniatâd penodol ymlaen llaw gan yr aelod o staff sy'n eu goruchwylio, a dim ond yn unol ag unrhyw ganllawiau neu Bolisi Safon Preifatrwydd a gyhoeddwyd gan y Grŵp, sydd mewn grym ar y pryd, y gallant wneud hyn. Mae hyn yn berthnasol os yw'r gweithgareddau hynny'n cael eu cyflawni wrth ddefnyddio cyfarpar sy'n eiddo i'r Grŵp neu beidio neu os ydynt yn cael eu cynnal ar safleoedd y Grŵp neu beidio. Mae hyn yn golygu bod gofyn i'r data personol: gael eu ceisio a'u prosesu mewn dull teg ac yn gyfreithlon; cael eu defnyddio at ddibenion penodol a chyfreithlon yn unig; bod yn gywir ac yn gyfredol; cael eu cadw'n ddiogel; cael eu cyfyngu i gyn lleied â phosibl o wybodaeth gan gael eu cadw'n ddiennw neu gyda ffugenw lle bo hynny'n bosibl; peidio â chael eu cyhoeddi, eu rhoi ar-lein neu eu symud y tu allan i'r DU heb gydsyniad yr unigolyn dan sylw; a chael eu dileu neu eu dinistrio pan nad yw'n berthnasol eu cadw mwyach. Mae gan yr unigolion y cedwir data amdanynt yr hawl i archwilio'r data oni bai eu bod yn cael eu cadw at ddibenion ymchwil yn unig ac nad yw'r data'n cael eu rhyddhau yn y fath fodd fel y byddai modd adnabod yr unigolion dan sylw.
29. Bydd rhaid i fyfyrwyr y mae arnynt angen prosesu data personol at ddibenion academiaidd neu ymchwil ymgyswrted â gofynion cyffredinol y Ddeddf Diogelu Data 2018 a'r Rheoliad Diogelu Data Cyffredinol, ac yn benodol rhaid iddynt lynu wrth yr egwyddorion diogelu data a nodir yn Atodlenni I, II a III o'r Ddeddf Diogelu Data, ac Erthyglau 5, 6 a 9 o'r GDPR. Gall myfyrwyr wneud hyn trwy gael copi o ganllawiau presennol y Grŵp ar ddiogelu data ynghyd â gwybodaeth berthnasol bellach sydd ar gael gan yr aelod o staff sy'n eu goruchwylio neu'r Swyddog Diogelu Data.
30. Gall myfyrwyr sy'n methu â chydymffurfio ag unrhyw ganllawiau/Cod Ymarfer sydd mewn grym fod yn atebol yn bersonol am unrhyw achosion dilynol o fynd yn groes i Ddeddf Diogelu Data 2018 neu'r Rheoliad Diogelu Data Cyffredinol.